



HO'OU LU LĀHUI
Regenerating Oceania
13th Festival of Pacific Arts & Culture
Hawai'i 2024

MO'OLELO HĀLĀWAI O KE KOMIKINA NO KA HO'OLAULE'A NO'EAU A
MO'OMEHEU PĀKĪPIKA (FestPAC)

PŌ'AKAHI, LĀ 5 'APELILA, 2021 HOLA 2:30'au

MA O KA ZOOM: 'AHA KŪKĀ MA KA WIKIŌ

Nā Lālā Komikina i kū mai:

Kalani Ka'anā'anā, Chair	-	Ke'ena Kuleana Ho'okipa o Hawai'i (HTA)
Māpuana de Silva	-	Kaiāulu
Jamie Lum	-	Ke'ena Ho'omohala Waiwai a me ka Ho'okipa (DBEDT)
Richard Onishi	-	'Aha Lunamaka'āinana o Hawai'i (Hō'ea ma ka 2:35'au)
Makanani Salā	-	Ke Kūlanakauhale a Kalana o Honolulu Jarrett
Keohokālole	-	'Aha Kenekoa o Hawai'i
Hinaleimoana Wong-Kalu	-	Ke'ena Kuleana Hawai'i (OHA)

Nā Hoa Kipa:

Kiele Amundson	-	Ke'ena No'eau a Mo'omeheu a ka Meia (MOCA)
Jackie Lynne Burke	-	Kaiāulu
Hailama Farden	-	Kaiāulu
Jean-Emmanuel Frantz	-	Kaiāulu
Ilihia Gionson	-	'Ahahui Ho'okipa 'Ōiwi Hawai'i
Dede Howa	-	Ke'ena Kuleana Ho'okipa o Hawai'i (HTA)
Terence Liu	-	Kaiāulu
Lynn J Martin Graton	-	Kaiāulu
Monte McComber	-	Kaiāulu
Aaron Salā	-	Ke Kulanui o Hawai'i/Royal Hawaiian Center
Malia Sanders	-	'Ahahui Ho'okipa 'Ōiwi Hawai'i
Margo Vitarelli	-	Kaiāulu

Nā Limahana:

Margaret Ahn	-	Loio Kuhina
Marlene Hiraoka	-	DBEDT
Selma Malcolm	-	DBEDT
Timothy Tiu	-	DBEDT
Scott Tome	-	DBEDT

Nā Mihi:

Snowbird Bento - Kaiāulu

HO'OMAKA

Ho'omaka ka Luna Ho'omalulu Ka'anā'anā i ka hālāwai ma ka hola 2:32'aiu ma o ke aloha 'ana aku i ka po'e ma ka ZOOM a Facebook Live.

Ho'olauna akula 'o Ms. Makahani Salā i kāna limahana, 'o Ms. Janelle ho'i, a laila noi ka Luna Ho'omalulu Ka'anā'anā iā ia e mālama i ka wehena.

'OLELO HO'IKE A KA LEHULEHU

Wehe ka Luna Ho'omalulu Ka'anā'anā i ka papahana i ka lehulehu e ho'opuka mana'o no ka papahana o ka hālāwai. Hō'ike 'o ia no ka loa'a o nā mana'o i ho'ouna mua 'ia i nā lālā. A 'oiai i ho'ouna lohi 'o Ricardo D. Trimillos, he Polopeka ho'i i noi'i i Nā Mele o nā Lāhui 'Ē A'e a me ka Māhele Ha'awina Asia kekahi ma ke Kulanui o Hawai'i ma Mānoa, ua loa'a nō kona mau mana'o kekahi e pili ana i ka 'Aha no Nā Mele a Hula o ka Pākīpika e hiki mai ana. E ho'ouna 'ia ana kona mau mana'o i nā Lālā Komikina kekahi.

Wehe pū ka Luna Ho'omalulu Ka'anā'anā i ka papahana i nā Lālā Komikina e hāpai i nā nīnau a ho'opuka mana'o kekahi. Hō'oiā ka Lunamaka'āinana Onishi i ka mana'o e 'ae 'ia nā hālāwai a 'aha 'ē a'e paha ma ka wā like o ka Ho'olaule'a No'eau a Mo'omeheu Pākīpika a inā he mana'o laulā ia e ho'okō ai. Hō'oiā ka Luna Ho'omalulu Ka'anā'anā i ia mana'o me ka 'ae 'ana aku 'oiai hiki ke kāko'o ia mau 'aha a hālāwai 'ē a'e i ka Ho'olaule'a inā ho'olālā kūpono 'ia i 'ole lilo ia mau hālāwai a 'aha kūwaho he mau alaina no ka papahana kūhelu o ka Ho'olaule'a.

'ĀPONO I KA MO'O'OLELO HĀLĀWAI, 22 MALAKI, 2021

Ka'aka'ahi 'ia ka mo'olelo hālāwai e a nānā hou 'ia e nā Lālā Komikina. Noi 'o Ms. Lum lāua me Ms. de Silva e 'āpono 'ia kēia mo'olelo hālāwai e like me ka mea i palapala 'ia - 'a'ohē loli.

Mālama 'ia he koho pāloka ma ke kāhea inoa a 'āpono 'ia ka mo'olelo hālāwai e ka Luna Ho'omalulu Ka'anā'anā, Ms. de Silva, Ms. Bento, Ka Lunamaka'āinana Onishi, Ms. Lum, Ms. Wong-Kalu, a me Ms. Salā.

Ua lōkahi lākou ma ka 'āpono 'ana i ia mana'o.

NĀ KANĀWAI E 'IMI 'IA ANA

Hō'ike ka Luna Ho'omalulu Ka'anā'anā no ka ho'oholomua 'ia o SB 696 SD1 HD1 mai ke Kōmike Hale Kuhina Waiwai me nā loli, eia na'e e ho'olō'ihi ana kēia pila nei i ka noho 'ana o ke Komikina i ka lā 31 o 'Aukake, makahiki 2025 a kau 'ia ka lā palena pau ma ia pila nei. E holomua ana nō ia pila nei i ka Hale holo'oko'a no ko lākou koho 'āpono a laila ho'ihō'i 'ia i ka 'Aha Kenekoa i hiki ke ho'opa'a 'ia kahi lā no ka 'Aha Kūkā.

HŌ'IKE'IKE A KŪKĀKŪKĀ I KA PAPAHAHA HO'OLAULE'A

Kāhea ka Luna Ho'omalulu Ka'anā'anā iā Ms. Salā e hō'ike'ike i ka ha'imaulia i ho'oponopono 'ia no Ms. Bento. Nāna i heluhelu i ka palapala a e ho'ouna like 'ia ana ua palapala nei i nā Lālā Komikina me ka mo'olelo hālāwai.

I wahi hō'ulu'ulu pōkole no nā māhele i ho'oholo 'ia a i mea kōkua ho'i ma ka ho'olālā hou 'ana aku:

1. Hō'ike'ike: ke mele, hula, keaka, a meiwī.
2. Hō'ike Ki'i: nā 'ano mea hakuia e la'a ho'i me ke kahaki'i, ka pena, ka ho'ōni'o, ke ki'i ku'ikepa, ka lāmeke, ke kuhikuhīpu'uone, ka pa'i ki'i, ka haku lau a me ka wikō.
3. Hana No'eau: ke kālai lā'au, pōhaku a i 'ole paha ka iwi. Ua ka'a nō nā mea ho'onaninani kino, ka no'eau hulu a pūpū ho'i ma lalo o ia māhele nei, me ka hō'ike paikini kekahi.
4. Mea 'Ai: he kālele ia i ka 'ōnaehana kanu, 'ohi, a ho'omākaukau mea 'ai ma kona 'ano pili haipule a noa kekahi.
5. 'Aha Moananuiākea: he mau hālāwai e mālama 'ia ana ma ka holo 'ana o ka Ho'olaule'a i mea e kūkā hohonu ai kekahi mau kumuhana nui.
6. Nā Hana Pāku'i: nā hanana a nā pakanā e mālama ai.
7. Nā Hana Kūhelu: e ho'okomo 'ia ana nō ka 'aha ho'ohanohano wa'a a me ka 'aha haipule.

Mahalo ka Luna Ho'omalū Ka'anā'anā iā Ms. Salā a hō'ike 'o ia i ka mākaukau 'o kā Mr. Gionson i ho'omākaukau ai no ka ho'ohālikelike 'ana i nā papahana 'elua - nā māhele i 'āpono mua 'ia a me nā māhele hou i hāpai 'ia. Makemake ka Luna Ho'omalū i nā Lālā Komikina e hāpai nīnau a mana'o.

Hō'ike 'o Ms. Salā i ko lākou me Mr. Aaron Salā me Mr. Monte McComber hiki ke pane nīnau 'oia i ua kōkua nui lākou ma ka ho'omākaukau 'ana i ka Ha'imaulia.

Hāpai mana'o 'o Ms. Wong-Kalu no ka māhele 'o Nā Hana Pāku'i i pili ho'i i ka Māhū a me ke kūpono o ka mālama 'ana i ia kumuhana nei i loko o kekahi 'ano kūkā laulā 'oia i no nā kānaka o ka Pākīpika, 'elua 'ao'ao pili'uhane ko ka māhū. Ho'ohana 'oko'a pū 'ia nā hua'ōlelo a makemake 'o Ms. Wong-Kalu e ho'ohanohano kūpono 'ia kēia kumuhana i 'ike le'a a mahalo ka po'e.

Ho'omau 'o Ms. Wong-Kalu i kona wehewehe 'ana aku i nā paniinoa ma nā 'ōlelo o ka Pākīpika. 'Oia i 'ike kākou i ka 'oko'a ma waena o ke kāne, wahine a me ka mea ma waena, 'a'ohē 'oko'a ka paniinoa a ua hiki ke kūkā hohonu hou aku kēia kumuhana ho'okahi. Paipai a'ela 'o ia i nā Lālā Komikina 'ē a'e e ho'opuka mana'o a kākō'o i kāna i ho'opuka maila.

Mahalo ka Luna Ho'omalū Ka'anā'anā iā Ms. Wong-Kalu no kona mau mana'o. I kona mana'o nō na'e, 'a'ole kūpono ko ke kumuhana 'o Māhū ka'a 'ana ma lalo o ka māhele Pāku'i. Hō'ike pū 'o ia i ka loa'a 'ole 'o 'ohana ma nā māhele.

Ho'omana'o ka Lunamaka'āinana Onishi i ka hāpai 'ia 'o 'ohana ma kekahi hālāwai, he kumuhana e ka'a ana ma lalo o ka māhele ho'ōla. I kona mana'o, ua kūpono ke kūkā hohonu hou aku o ia mau kumuhana nei ma kahi 'aha a hālāwai kūhelu paha ma ka Ho'olaule'a i hiki ke ho'ōla hou 'ia ia mau 'ōlelo nei. Kākō'o ka Luna Ho'omalū Ka'anā'anā i ia mana'o a ho'omaopopo hou 'o ia no ka pono e loa'a 'o 'ohana ma ka polokalamu.

I mea e kāko'o i kā ka Lunamaka'āinana Onishi i ho'opuka ai, hāpai a'ela 'o Ms. Wong-Kalu i ka mana'o e nānā 'ia ke kumuhana 'o māhū ma o ke kālailauna a kūlana kanaka. Nui nā 'ano kuana'ike 'oko'a i hiki ke kālailai 'ia, keu ho'i ke kūlana alaka'i. I wahi lā'ana - ke 'ano e 'ike 'ia ai ke alaka'i 'ana ma ka pō'aiapili 'ohana, hale pule, hālau, apwa. i pili ho'i i ke kāne, wahine a me ka po'e i waena o ia mau keka. Ua mahalo 'ia nā kānaka a pau.

Noi ka Luna Ho'omalua Ka'anā'anā inā ua hiki ke ho'okomo 'ia 'o 'ohana ma ka māhele hālāwai a kūkā kūhelu. Ho'omaopopo akula 'o Ms. Salā iā ia i ka nānā laulā 'ia o nā kumuhana, a nīnau 'o ia inā ua hala kekahi mea nui iā lākou me ka mana'o e lomi 'ia ana ia mau kumuhana a pau.

Makemake 'o Ms. de Silva i ka mea i kākau 'ia a me ke kumu e kāko'o ana i ia mau kumuhana a māhele nei, 'oiai 'o ka nui o lākou he mau kumuhana a māhele ia mai nā Ho'olaule'a o mua a mau nō ka launa ma kēia papahana nei. 'Oiai nui hou aku nā mea e ho'oholo ai, makemake 'o Ms. de Silva e ho'opane'e i ka ho'oholo a 'āpono kūhelu 'ana i kekahi hālāwai.

Noi 'o Ms. de Silva i kope o ka palapala mua a Ms. Bento a me kona kōmike i ho'omākaukau ai nona iho a no nā Lālā Komikina 'ē a'e. Paipai 'o ia i nā Lālā Komikina e nānā hou ma ko lākou manawa ka'awale a ho'okomo i ko lākou mau mana'o ma mua o ka ho'ihō'i 'ana i mākaukau ke Komikina e kūkā hou aku me kke kōmike a me nā lālā i ho'omākaukau i ua palapala nei. Ua pa'a mua 'ia nā māhele 'elima a ua ho'okomo 'ia ka mea i 'ike 'ia e ke kōmike ma ko lākou noi'i 'ana aku ma ka Ha'imaulia. Mali'a paha ua kūpono ka ho'ololi 'ana i ke po'oinoa 'o *Nā Hana Pāku 'i?* A laila ua ho'okomo 'ia ka "jam session" a me ka hō'ike paikini ma ka papahana ma hope o ka ho'okahua 'ana i nā kia mua 'ehā. Hopohopo 'o Ms. de Silva i ka nui o nā māhele 'oiai pēlā ana ka nui o ke kālā e pono ai no ka mālama 'ana i ia mau mea a pau. No laila, paipai 'o ia i ko ke kōmike hō'ike 'ana mai i ke Komikina i ko lākou mana'o no ke 'ano e holomua ai. A ho'omaopopo hou 'o ia i kona makemake e loa'a kēlā me kēia Lālā Komikina i kope o ka palapala i ho'omākaukau mua 'ia e Ms. Bento mā i hiki iā lākou ke nānā hou a ho'okomo i ko lākou mau mana'o ma mua o ke kūkā pololei 'ana me ke kōmike nāna i ho'omākaukau.

Noi ka Luna Ho'omalua Ka'anā'anā iā Ms. Salā lāua 'o Mr. Gionson e ho'ouna aku i ka ha'imaulia a me ka palapala e ho'ohālikelike aku iā Ms. Sanders no ke ka'aka'ahi 'ana aku i nā Lālā Komikina.

Kāko'o ka Luna Ho'omalua Ka'anā'anā i ko Ms. de Silva mau mana'o i ho'opuka ai, keu ho'i ka pono e maka'ala i ke kālā e ho'oulu ai no ka nui o nā māhele e ho'okomo 'ia. Ho'omaopopo akula 'o Ms. de Silva i ke ko'iko'i o ka ho'i hou 'ana i ke kumu o ia Ho'olaule'a nei a me ke koho pono 'ana i nā māhele i wahi kāko'o. 'Oiai 'o ia i hele kino i nā Ho'olaule'a he nui ma mua, 'ike 'o ia i ke ko'iko'i o ka maiu o ka hana i ho'ohanohano kūpono 'ia nā 'ao'ao a pau i pono ai kona ho'ohanohano 'ia, 'a'ole nānā 'ia kona nui. Pono e nānā pū 'ia nā kuleana hana ma ia mau hanana nei. Paipai 'o ia i nā Lālā Komikina e kia ma nā kumuhana nui i 'ole helele'i mai nā mea 'ē a'e ma ka holo 'ana o ka manawa.

Hō'ike 'o Ms. Wong-Kalu i kona no'ono'o 'ana i ke kumu o ka hāpai mua 'ana o ke kumuhana 'o māhū. Hō'ihī 'o ia i kēia mea 'o ka māhū, eia na'e, 'a'ole pono e mea nui e like me ke 'ano no'ono'o Haole. Inā ho'oholo ke Komikina e mea nui ka māhū ma ke 'ano kumuhana, 'a'ole 'o

ia e kākō'o piha ana i ka ho'oholo hou aku, 'oiai 'a'ole kū i kona ola pono'ī iho nō a ma kona pō'aiapili hana.

Kāko'o 'o Ms. de Silva i ko Ms. Wong-Kalu mau mana'o. Ho'omaopopo 'o ia i ka wā a 'Anakē Vicky (PA'I) e lawelawe ana i ka ho'opuka 'ana aku i ia Ho'olaule'a nei, a me kona ho'okomo 'ana i ka hō'ike paikini 'o Queens Pageant nō ho'i. Ma ia manawa nō i ho'oholo 'ia nā mana'o nui ma lalo o kona alaka'ina. A laila, i ka huki 'ia 'ana o PA'I mai ia kuleana aku a kū mai ke Komikina, mau nō ko lākou hāhai 'ana i kā PA'I i ho'oholo mua ai. 'A'ole i nānā hou 'ia nā māhele. Makemake 'o ia e paipai i ka lehulehu a me nā lāhui 'ē a'e o ka Pākīpika a me ko lākou makemake. A hāpai a'ela 'o Ms. Wong-Kalu i ka mana'o e mālama 'ia kekahi wā kūhelu e kūkā ai ia mau mea.

Ho'okuleana ka Luna Ho'omalū Ka'anā'anā iā Ms. Wong-Kalu e ho'olauka'i i kōmike hana nona ke kuleana e hō'ike mana'o i ke Komikina no ia mau mea i hāpai mua 'ia. Hō'ike 'o Ms. Wong-Kalu i kona makemake e hana pū me ke Kenekoa Keohokālōle, ka Lunamaka'āinana Onishi a me Ms. Lum e 'ike i ko lākou mau mana'o. A ho'i hou 'o ia i ke ko'iko'i o ka māhū a me kona mana'o i nā 'ōiwi a me ka waiwai o ke kuana'ike 'ōiwi ma ke 'ano laulā.

Ho'omaopopo ka Lunamaka'āinana Onishi i ke 'ano i hāpai mua 'ia ia kumuhana nei, 'o ia ho'i ma ka pō'aiapili 'ohana. Ua hāpai 'ia mai ke kuana'ike kāne a wahine, a laila mai ke keiki a me ka māhū. Ma ia pō'aiapili ho'i i kūkā ai ka mo'omeheu, keu ho'i kona pilina i ka 'ohana. 'A'ole i nānā kiko'ī 'ia ka māhū. Ho'omana'o pū 'o ia i ke kāpae 'ia o ka hō'ike paikini, 'o ka Queens Pageant ho'i mai ka Ho'olaule'a 2020 'oiai 'a'ole i kū i ke Komikina holo'oko'a.

Eia hou, ho'omana'o ka Lunamaka'āinana Onishi i kekahi kulēnaa o ke Komikina ma kona 'auamo 'ana aku, 'o ia ho'i ka ho'oholo 'ana i nā māhele kūpono e mālama a kāpae. 'O ka he'enalū kekahi lā'ana. 'Oiai ho'okahi wale nō kanaka i hoihoi e komo, ua mana'o 'ia e kāpae. A pēlā nō me ka wa'a. 'A'ole i nui nā lāhui i ho'oholo e ho'ouna mai i ko lākou wa'a i Hawai'i. Pono nā Lālā Komikina e kālele ma ka mana'o nui o ia mau māhele a na nā lāhui e ho'oholo i ke 'ano o ko lākou komo 'ana. A 'oiai 'o ko Hawai'i ana ka mea ho'okipa, aia nō ka mana iā lākou e ho'oholo, a e komo ana nō nā 'elele o nā lāhui e like me ka mea kūpono.

Ho'omaopopo ka Luna Ho'omalū Ka'anā'anā i ka waiwai o ke kalī 'ana a i ka ho'ihō'i 'ana mai o nā mana'o mai nā lāhui 'ē a'e i hiki iā lākou ke ho'oholo me ke kūpono i nā māhele e mālama no kona makemake nui 'ia a me nā mea i hki ke kāpae 'ia. E like me kā Ms. de Silva i ho'opuka mua ai, 'a'ohē 'i'o ko ka Ho'olaule'a inā uluāhewa nā māhele a kumuhana. Paipai ka Luna Ho'omalū Ka'anā'anā i nā Lālā Komikina e no'ono'o i kēia mau mea i loko o nā pule 'elua e hiki mai ana. Mahalo aku 'o ia iā Ms. Wong-Kalu no ke ka'ana 'ana i kona mau mana'o a hō'ike 'o ia i kona makemake e ola ka 'ōlelo Hawai'i ma nā 'ao'ao a pau o ka papahana. A me ia mana'o, pēlā pū kona makemake e nānā 'ia ka māhū - 'a'ole ia he mea kūikawā nō ho'i, he mea ma'amau nō ia.

KŪKĀKŪKĀ I NĀ KULEANA LALO KŌMIKE

'O ka pololei, e kūkā 'ia ka ha'imaulia o nā lalo kōmike eia na'e, e ho'opane'e 'ia ana kēia kumuhana i kekahi hālāwai. Eia na'e, mau nō kona makemake e ho'opa'a 'ia ka papa inoa o nā

Mo'olelo Hālāwai o ke Kōmike no ka Ho'olaule'a No'eau A Mo'omeheu Pākīpika 13
Pō'akahi, 5 'Apelila, 2021 hola 2:30'aiu ma o ka ZOOM
'Ao'ao 6 o 6

'elele e kono i nā lalo kōmike. Noi 'o ia i nā Lālā Komikina e no'ono'o i ko lākou kuleana a me nā kānaka i hiki ke kāko'o i ia kuleana nei.

Makemake ka Luna Ho'omalū Ka'anā'anā e ho'ouna 'ia ka 'ikepili no kahi e mālama ai ia Ho'olaule'a nei, ka palapala kāinoa, apwa i nā po'o o kēlā me kēia hui 'elele me ka ho'omaopopo pū i ka pono e ho'omaka i ka ho'oka'a'ike kūmau.

KŪKĀKŪKĀ I KA PUKE ALAKA'I HO'OLAULE'A

Chair Ka'anā'anā requested that Commissioners read the Festival Manual and Guam's after-action report to help in understanding the *Kuleana* Matrix and development of subcommittees.

'OLELO HO'IKE A KA LEHULEHU

Wehe ka Luna Ho'omalū Ka'anā'anā i ke kūkā i ka lehulehu e hāpai mana'o.

Ho'opuka mana'o 'o Mr. Aaron Salā no ke kumu o ka palapala papahana i hāpai mua 'ia ma ka hālāwai. 'O ka pahuhopu o ia palapala nei, 'o ia ho'i ka ho'oholomua i nā hanana no FestPAC. 'O ke kumu o ka māhele Pāku'i, 'o ia ka paipai 'ana i nā pakanā e 'auamo i nā kuleana e ho'oholomua a mālama i nā kumuhana 'ē a'e i hiki 'ole ke mālama 'ia ma ka Ho'olaule'a kūhelu, ma ka 'ao'ao ma ke 'ano kāko'o i ka papahana nui.

'Ike 'o Ms. Wong-Kalu i ko Mr. Salā mau mana'o a hō'ike pū 'o ia i kona 'ike no ke 'ano e holo ai ke Komikina. Hō'ike 'o ia i kona mana'o no ko ke Komikina pono e maka'ala kūpono i ka ho'oholomua 'ia o nā hanana e mālama ai ma waho o ka Ho'olaule'a, 'oia'i mau nō ia ko lākou kuleana. 'A'ole e 'ike ana nā 'elele e hō'ea mai ana i ka Ho'olaule'a i ka 'oko'a ma waena o nā hanana o ka Ho'olaule'a a me nā hanana kūwaho. Me ia mana'o, paipai 'o ia i ke Komikina e mālama i nā hanana a pau ma lalo o ka mamalu o FestPAC i palekana ka hana.

Noi 'o Ms. Wong-Kalu e ho'ouna 'ia mai kahi leka uila me ka 'ikepili i ho'oponopono/hō'oholo 'ia a hō'ōia 'o Ms. Sanders no kona 'imi 'ana e ho'okō i kēia me Mr. Tome.

Mahalo 'o Ms. de Silva i ke Kenekoa Keohokālōle me ka Lunamaka'āinana Onishi no ka hō'ea 'ana mai i nā hālāwai FestPAC a me ko lākou kū 'elele 'ana no ka 'Aha'ōlelo.

HA HO'OPA'A HĀLĀWAI – PŌ'AKAHI, 19 'APELILA 2021

Ho'opa'a ka Luna Ho'omalū Ka'anā'anā i kahi hālāwai no ka lā 19 o 'Apelila, makahiki 2021 ma ka hola 2:30'aiu.

HO'OKU'U

Ho'oku'u ka Luna Ho'omalū Ka'anā'anā i ka hālāwai ma ka hola 3:42'aiu.

Me ka 'oia'i'o,



Luna Ho'omalū

Lā

04/07/2021